

## Enformaziuns y Comunicaziuns

**Unité Pastoral:** Sö Oies él la poscibilité da s'encunté, se baié fora, se pissé con n preo, vigne vëndres dales 16:30 ales 18:00. Chisc prei s'á motü a desposiziun: ai **5 d'aorí** gnarál le Vèsco Ivo Muser (17:30 - 19:00) dedô él ora de adoraziun por vocaziuns; **12 d'aorí:** Signor Markus Moling - regens dal Seminar; **19 d'aorí:** Pater Franz Senfter.

**Staziuns alaleria:** Le Consëi de Ploania enviëia düc canc, soradöt jogn y families ales Staziuns alaleria, en vëndres ai 5 d'aorí ales 20:00. An pëia ia da paiun demez.

**Sorvisc ai Jogn:** Le Sorvisc ai Jogn Val Badia lascia alessëi che por le proiet "Isté Deboriada" él te chisc païsc ciamó valgügn posc lëdi: Al Plan l'edema dai 29.7.19 ai 2.8.19, La Pli dai 15.7.19 ai 19.7.19, y Rina dai 22.7.19 ai 26.7.19 y dai 29.7.19 ai 2.8.19. Iscriziuns pón fá tres la plata dai proiec [www.proiec.org](http://www.proiec.org): login da pert dal genitur, selezioné le möt co é belo scrit ete y mëter lapró l'edema co é a desposiziun. Por chi co ô, él ince la poscibilité da fá l'iscriziun cherdenn sö te ofize al 0474/523070 (orars d'ofize: dal lönesc ala jöbia dales 8:00 ales 12:00).

**Lia da Munt:** La Lia da Munt Ladinia mët da jí na spazierada da Mühlbach a Spinges, en domëgna ai 7 d'aorí. An pëia ia sön plaza dal Cone ales 13:00, con auti privac.

**Conzert/1:** En domëgna ai 7 d'aorí ales 20:30 él te dlijia d'Al Plan n conzert con Angela Palfrader y Margareth Huber (vidores), Renzo Huber (tenor) y Simon Brandlechner (orgo). Al gnará porté dant musiga de G. Muffat (1653-1707), G. F. Sances (1600-1679), A. Vivaldi (1678-1741), Chr. Bernhard (1628-1692) y David Pohle (1624-1695).

**Conzert/2:** Le cor Kyrios enviëia a so conzert gospel "Hymns of worship", adöm con le Vinzenter Knabenchor da Porsenú, sot la direziun de Andrea Tasser. I cors gnará acompagnês da na orchestra y na band. An podará aldí deplü ciances modernes, con tesc de ligrëza co lalda y glorifichëia le Signur. Dates: en vëndres ai 12 d'aorí ales 20:00 y en domëgna ai 14 d'aorí ales 18:00 tal Parzivalsaal dal Vinzentinum, y spo en dedemesaledema ai 17 d'aorí ales 20:00 te Ciasa dla Cultura sö La Ila.

**Orar nò:** L'ofize dla *Portina por l'assistenza y cura* te Raiun Soziosanitar Val Badia, é davert da aorí ennant 3 iadi al'edema: lönesc 14:00 - 16:00, dedemesaledema y jöbia 10:00 - 12:00. Telefon: 0474/586123 dertan chisc orars. Le team enformëia sön düc i sorvisc, les poscibilitês de sostën y alisiramont, i aiüc esistonc, i dërc y dovëis, le sostën finanziair y e.e. y dëida fá de vigne sort de domandes y d'atres pratiches.

**La portina da tó jö sanch** ne cambia nia orar y é daverta le lönesc, dedemesaledema y vëndres 7:45 - 8:30. **La Repartiziun Prestaziuns** ex Krankenkasse é daverta lönesc, dedemesaledema y vëndres 9:30 - 12:45, dedölönesc y la jöbia 8:00 - 12:45.



## Plata dla Ploania Al Plan de Mareo San Vighile

Ploan: Signor Heinrich Perathoner  
E-Mail: [ploaniaalplan@gmail.com](mailto:ploaniaalplan@gmail.com)

Calogna Al Plan: 0474 501006  
Radio de Ploania: 93,00 MHz

UNITÉ PASTORALA



VAL BADIA

[www.unitepastorala.org](http://www.unitepastorala.org)

Ann C

31.03.2019 - 4. Domëgna de Carsëma - Laetare

nr. 18

### Vire la Carsëma....

Impuls dla Unité Pastorala

#### 4. Domëgna de Carsëma: Vagnele dô San Luca 15 1-3.11-32

Dlun' saltenn ti él jü adencuntra, ti é salté encër le col y l'á bajé.

**IMPULS:** I proii da fá le pröm vare...

### Dlun' saltenn, ti él jü adencuntra...



#### Dal Vagnele dô San Luca

<sup>11</sup>N èl â dui fis. <sup>12</sup>Le plü jonn de chisc ti á dit a so pere: Pere, dàmo la pert dla ierpejun co mo speta. Ensciö á le pere partí sö so avëi. <sup>13</sup>Dô püc dis á le fi plü jonn pochené adöm döt y s'an é jü te n païsc dalunc. Enló âl vit na vita desliada y á spaterlé ia so avëi. <sup>14</sup>Mo dô ch'al â albü desmazé döt cant, êl gnü na gran ciarestia te chël païsc, y ara ti jea dër mal. <sup>15</sup>Enló él jü a se pité a n abitant de chël païsc, co l'á fat jí tai ciampoprës a vardé i porcí. <sup>16</sup>Al s'ess ienn paré la fan con i restli che i porcí mangiâ, mo degügn ne ti an dea. <sup>17</sup>Enló él jü ete te se enstës y á dit: Tan de oras de mio pere á pa plü co assá da mangé, y iu möri tló da fan. <sup>18</sup>I ô pié ia y jí da mio pere y ti dí: Pere, i á fat picé cuntra le cí y cuntra te. <sup>19</sup>I ne sun nia plü dën da ester to fi; tolemo sö desco önn de tü oras. <sup>20</sup>Spo él pié ia y é jü da so pere. Le pere l'á belo odü gnenn dalunc adalerch, y s'al menâ picé. Dlun' saltenn ti él jü adencuntra, ti é salté encër le col y l'á bajé. **Parora dal Signur. - Lalt a te, Gejú Crist!**



**Impressum:** Ploania d'Al Plan, str. Catarina Lanz nr. 46, 39030 Al Plan de Mareo  
**Comunicaziuns - cina al dedemesaledema sëra - da mené a:** Pablo Palfrader  
Tel. 333 4762010 Mail: [ploaniaalplan@gmail.com](mailto:ploaniaalplan@gmail.com)  
Download plata: [www.unitepastorala.org](http://www.unitepastorala.org)

**Domègna: 31.03.2019: IV. Domègna de Carsèma: LAETARE**

Oferta por i bojügn dla ploania



**8.30:** S.M. a La Pli

**9.30:** Oraziun dla domègna: Corona

**10.00:** S.M. pro popolo por dōta la Ploania

**18.00:** S.M. por + nt Figile Erlacher da Torpei  
S.M. por +nt Pire Kastlunger dal Medo  
S.M. por +ntes Clara y Maria Trebo, de Pire

**Lön. 01.04.: Feria dla 4. edema: Sa.Irene, Sa.Agape, S.Hugo, S.Caesarius**

**7.30:** S.M. por +ntes Maria y Daniela Clement

S.M. por +nta Daniela Fässler

S.M. por +nt Carlo Pedevilla, Bornech

S.M. por +nt Rindler Guido, de Pal

**Dédoi.02.04.: Feria dla 4. edema de carsèma: S.Franz de Paola, S.Eustachio**

**19.30:** Corona do intenziun

**Dédem 03.04.: Feria dla 4. edema de carsèma: Sa.Elisabet K. S.Richard, S.Thiento**

**18.00:** S.M. 1. aniv. por +nt Anselmo Ferdigg

S.M. por +nta Clara Frenner – Punturieri, dal Cone

S.M. ad intenziun

S.M. aniv. por +nt Albert Mutschlechner dal Pech

S.M. por +nta Maria Planatscher, Pedagá

**Jöbia 04.04.: Feria dla 4. edema de carsèma: S. Isidor, S.Konrad, S. Heinrich R.**

**18.00:** Via Crucis – Les Staziuns (coi Crejimandi)

**Vëndr.05.04.: 1. Vëndres dal mens: Sa. Kreszentia, S.Vinzenz**

**7.10:** S.M. por i scolari

S.M. por +nta Ida Pisching de Candido

S.M. por +ntes Senza y Sofi Insam

S.M. por +nta Paula Rindler de Costata

S.M. por Fam. Lillo, Roma

**13.00:** Al vègn porté la Santa Comuniun ai Püri

**!!!20:00** Via Crucis - Les Staziuns alaleria - da paiun demez

**Sab.06.04.: 5. Sabeda de carsèma: Santa Maria in sabato**

**17.00:** Poscibilitè da se pissié

**17.30:** Corona - Rosario

**18.00:** S.M. por +nc' Ellecosta Rudi y Regina

S.M. por +nc' Ties Franz y Ties Werner

S.M. de rengr. dla Fam. Filippo y Karin Obwegs, de Pipa

S.M. por +nta Clara Hochwieser – Beikircher

**Dom.07.04.: V. Domègna de Carsèma: S.Johann Baptist**

Oferta por i bojügn dla ploania

**8.30:** S.M. a La Pli

S.M. por +nc' Rosa y Pire da Sach y +nta Maria Willeit

**9.30:** Corona

**10.00:** S.M. pro popolo por dōta la Comunità

**18.00:** S.M. de rengr. por 55 agn de matrimonio  
de Kosta Erwin y Johanna

S.M. aniv. por +nt Peter Mutschlechner, Longega

S.M. por +nta Marianna Erlacher – Pedevilla, de Terza



*Pla vita cristiana alda zonzater lapró: oraziun, umilté y amur a dōtes les porsones. Cōsc é le tru ala santité. (Papa Francesco)*

**Ponsiers:** Le fi pordü

Gejú ó con la parabola dal - fi pordü y endô gnü tut sö con amur -, nes indiché la odlada verscio Chël Bel Dio, co é rich de misericordia y arjigné da pordoné sonza fin. Le Signur ne damana da nos degügn recuisic por nes amé. Èl mèt ma òna na condiziu: che nos se daoriun a so amur infiní. Por la Carsèma da eniann áanse chirit fora le tema “Scinché dagní y speranza”.

Le Vagnele dla IV Domègna de Carsèma “Laetare” ó nes trasmète cōsta ligrèza.

Na domanda de coscionza: Mo drüca mia colpa, te chëra ch'i mo á entravaié ete, y mo ralegrèii veramonter dla noela da encò, ciodi che ara mo mostra le tru da nen gní fora?

Sce no, spo déssi mo confronté con la poscibilitè, che i sun iu enstès/sa miné/ minada con le fi plò vedl. Cōsc á te sōa vita la lòm dal amur dan dai edli y ne jea nia fora dai mürs de so “ego”, preocupé da fá borta figōra, nia bun da azeté na scincunda daldöt nia meritada, spo pa da scinché enstès valch o se dé por i atri.

*(P. Junmar Maestrado SVD)*

La parabola dal bun Pere tal Vagnele nes desmostra, che Chël Bel Dio pardona a vignōnn; Èl scinca entres endô la poscibilitè da mèter man danö.

**Mèter man danö vigne de**

Mèter man danö vigne de nanter chi co é stanc da vire.

Dí la lerité vigne de nanter chi co mont.

Pordené vigne de nanter nemisc.

Rí vigne de

nanter chi co á la ria.

Ester de cör vigne de nanter tanc co é sonza cör.

*(Martin Gutl)*



**Sorvisc dai Ministronc**

**Lönesc 01/04 (07:30h), Dédemesaledema 03/04 (18:00h), Vëndres 05/04 (07:10h):** Lisa Alberti, Valentina Erlacher;

**Jöbia 04/04 (18:00h) Via Crucis, Vëndres 05/04 (18:00h) Via Crucis:** Marco Alberti, Luca Clara, Elisa y Emanuel Frenademetz, Michael Leimegger;

**Sabeda 06/04 (18:00h):** Giada, Ginevra y Giulio Regis, Sofia Castlunger, Lucy Call, Elias Obojes, Mattia Leggio;

**Domègna 07/04 (10:00h) 5a Domègna de Carsèma:** Madalena Deval, Matteo Huber, Jan Ties, Emma Daverda, Fabian y Matthias Kaneider;

**Domègna 07/04 (18:00h) 5a Domègna de Carsèma:** Claudia y Susan Kaneider, Nathan Migliorati, Philip Palfrader, Caspar y Pia Videsott;

**N. B.:** Düc i ministronc é entres begnodüs da gní a sorví, ince sce ai n'é nia scric sö!

